



# E Tau Iesu bwa Ti na Tangiriia Raora

**N**te bong teuana ao e titirakina Iesu temanna te mwaane bwa tera te tua ae te kabanea ni korakora. Te moan tua ae moan te korakora bwa ko na tangira Atuam. Ngkanne e taku bwa te kauoua ko na "tangira raom n ai aron tangiram i bon iroum" (Mareko 12:31). Are nanona bwa ti riai n tangiria aomata ao ni karaoa naba are e na karaoaki nakoira. ●

**Ko kona ni wareka te karaki aei n Mareko 12:28-31.**

## I KONA N TANGIRIIA KAIN RARIKIU

Iangoa te anga are ko kona ni buoka iai kaain rarikim.

Waaki ma te tataro ao baireia bwa tera ami anga ni buokiia.



Karaoa am babaire!



Te kurubu aei aika ataein te Moanrinan i **Mississippi, USA**, a ibuobuoki ni kaitiaka mwee-ngaia kaain rarikiia imwiin te angibuaka.

**Tera am anga ni buokiia tabeman, n aron are E karaoia Iesu? Koreia ao tuangiira.**

